



## ДАВЛАТИМИЗ РАҲБАРИ ОЗАРБАЙЖОН БИЛАН АМАЛИЙ ҲАМКОРЛИК КЎЛАМИНИ ЯНАДА КЕНГАЙТИРИШ МУҲИМЛИГИНИ ТАЪКИДЛАДИ

23 февраль куни Ўзбекистон Республикаси Президенти Шавкат Мирзиёев қўшма Худудлар форумининг биринчи йиғилиши ва Ишбилармонлар кенгашининг учрашувида иштирок этиш учун Озарбайжон делегацияси бошчилигида мамлакатимизга келган иқтисодиёт вазирлари, икки томонлама Ҳукуматлараро комиссия хамраиси Микоийл Жабборовни қабул қилди.

Олий даражада эришилган келишувларни амалга ошириш масалалари кўриб чиқилди.

Учрашув аввалида иқтисодиёт вазирлари Микоийл Жабборов давлатимиз раҳбарига Озарбайжон Президенти Илҳом Алиевнинг самимий саломи ва энг эзгу тилакларини етказди.

Сўхбатда автомобилсозлик, тўқимачилик ва ипакчилик тармоқларида кооперация лойиҳалари жадал амалга ошириладигани алоҳида мамнуният билан қайд этилди.

Кўшма инвестиция жамғармасини тузиш тўғрисида битим имзоланмоқда. Нефть-газ тармоғида, транспорт ва логистика соҳаларида истиқболли лойиҳалар тайёрланмоқда.

Икки мамлакат ўртасидаги амалий ҳамкорлик кўламини, жумладан, амалга ошириладиган маҳаллийлаштириш дастури доирасида янада кенгайтириш муҳим экани қайд этилди.

Ў.А.

## ЎЗБЕКISTON ПРЕЗИДЕНТИ ТРАНСАФҲОН ТЕМИР ЙЎЛ ЙЎЛАГИНИ БАРПО ЭТИШ ЛОЙИҲАСИНИ ЖАДАЛЛАШТИРИШ ЗАРУРЛИГИНИ ҚАЙД ЭТДИ

Ўзбекистон Республикаси Президенти Шавкат Мирзиёев 23 февраль куни икки томонлама Ҳукуматлараро комиссиянинг навбатдаги мажлиси доирасида мамлакатимизда бўлиб турган Покистон Ислон Республикаси молия вазирлари, комиссиянинг Покистон қисми раиси Исҳоқ Дорни қабул қилди.

Ўзаро манфаатли ҳамкорликни янада кенгайтириш, энг аввало, савдо, инвестиция ва транспорт соҳаларидаги лойиҳаларни амалга оширишнинг амалий жиҳатлари муҳокама қилинди.

Исҳоқ Дор учрашув имконияти учун Ўзбекистон етакчисига миннатдорлик билдириб, Покистон Бош вазирлиги Шарифининг саломи ва энг эзгу тилакларини етказди.

Учрашувда транзит ва преференциал савдо тўғрисида имзоланган муҳим битимларни амалга оширишга алоҳида эътибор қаратилди.

Ў.А.

Бундан ташқари, ҳукуматлараро музокаралар кун тартиби доирасида иқтисодиётнинг турли тармоқларида аниқ кооперация лойиҳаларини илгари суриш муҳимлиги қайд этилди.

Давлатимиз раҳбари икки томонлама автомобиль қатновларини ривожлантириш ҳамда Марказий ва Жанубий Осиёни Афғонистон орқали боғлайдиган ва Покистон портларига олиб чиқадиган темир йўл қурилиш лойиҳасини жадаллаштириш зарурлигига алоҳида тўхталди.

## ЎЗБЕКISTON РЕСПУБЛИКАСИ ПРЕЗИДЕНТИНИНГ ҚАРОРИ

### ҚИШЛОҚ ХЎЖАЛИГИДА АҲОЛИ БАНДЛИГИНИ ОШИРИШ ВА ЕР УЧАСТКАЛАРИДАН САМАРАЛИ ФОЙДАЛАНИШ ЧОРА-ТАДБИРЛАРИ ТЎҒРИСИДА

Амалга ошириладиган ислохотларни изчил давом эттириш, ердан оқилона фойдаланиш ва кўп қаватли ишлаб чиқариш биноларини қуришни ҳамда худудларнинг саноат салоҳиятини кенгайтиришни солиқ юкларини пасайтириш ҳисобига рағбатлантириш мақсадида:

1. 2023 йил 1 апрелдан 2024 йил 1 майга қадар эксперимент тарихида республика бюджетидан пахта ва (ёки) ғалла етиштиришга ихтисослашган фермер хўжалиқларига уларнинг ишчиларининг меҳнатга ҳақ тўлаш тарзидаги даромадлари бўйича тўланган жисмоний шахслардан олинган даромад солиғини бир вақтнинг ўзида қуйидаги шартларга риоя қилинганда қайтариб бериш тартиби жорий этилсин:

қишлоқ хўжалиғига мўлжалланган ҳар бир гектар ер учун ойига камида бир нафар ишчининг бандлиги таъминланганда;

ҳар бир нафар ишчи учун ойига меҳнатга ҳақ тўлаш тарзидаги даромад меҳнатга ҳақ тўлашнинг энг кам миқдорининг бир бараваридан кам бўлмаган миқдорда белгиланганда;

пахта ва (ёки) ғалла етиштиришга ихтисослашган фермер хўжалиғи ўтган йил якуни бўйича Солиқ кодексининг 57-моддаси талабларига жавоб берганда.

2. Иқтисодиёт ва молия вазирлиги ҳузуридаги Солиқ қўмитаси бир ой мuddатда республика бюджетидан пахта ва (ёки) ғалла етиштиришга ихтисослашган фермер хўжалиқларининг ҳисоб рақамларига уларнинг ишчиларининг меҳнатга ҳақ тўлаш тарзидаги даромадлари бўйича тўланган жисмоний шахслардан олинган даромад солиғини ҳисобот ойдан кейинги ойнинг 25 санасидан кейин тўлиқ миқдорда қайтаришнинг автоматлаштирилган тартибини ишлаб чиқсин.

3. Белгилансинки, 2023 йил 1 апрелдан бошлаб тадбиркорлик субъектлари янги қурилган кўп қават-

ли ишлаб чиқариш бинолари, шу жумладан, 2023 йил 1 январдан кейин фойдаланишга топширилган бинолар юзасидан (республиканинг шаҳарлари, шунингдек, Тошкент вилоятининг Зангиота, Қибрай ва Тошкент туманларида жойлашган бинолар бундан мустасно) юридик шахсларнинг мол-мулкига солинадиган солиқ бўйича ҳисобланган суммани уч қаватли бинога - 0,9, тўрт қаватли бинога - 0,8, беш қаватли бинога - 0,7, олти қаватли бинога - 0,6, етти ва ундан юқори қаватли бинога - 0,5 пасайтирувчи коэффициентни қўлланган ҳолда, бино фойдаланишга топширилган ойдан бошлаб 3 йилдан ортиқ бўлмаган мuddатга тўлайди. Бунда, ушбу бандда белгиланган пасайтирувчи коэффициент:

маҳсулот ишлаб чиқариш бўйича фаолиятни амалга ошириш учун зарур бўлган ёрдамчи хоналар билан (офис учун хоналар ва ўзи ишлаб чиқарган маҳсулотларни сотиш учун, касбни эгаллаш мақсадида ташкил этилган ўқув-ишлаб чиқариш хоналари ва ҳ.к.) бирга, агар уларнинг майдони янги қурилган кўп қаватли ишлаб чиқариш биносининг умумий майдонининг 20 фоизидан ошмаган бўлса;

ишлаб чиқариш мақсадларида бино бир нечта хўжалик юритувчи субъектлар томонидан биргаликда фойдаланиладиган бўлса, бундай бинонинг ҳар бир мулкдори томонидан қўлланилади.


4. Мазкур қарорнинг ижросини назорат қилиш Ўзбекистон Республикасининг Бош вазирлиги А. Н. Арипов зиммасига юклансин.

Ўзбекистон Республикаси Президенти Ш. МИРЗИЁЕВ  
Тошкент шаҳри,  
2023 йил 23 февраль

## ҚУРИЛИШ ВА УЙ-ЖОЙ КОММУНАЛ ХЎЖАЛИГИ ВАЗИРЛИГИДА

### БСКлар фаолияти билан танишув

Қурилиш ва уй-жой коммунал хўжалиги вазирлиги ўринбосари Озода Жўраева пойтахтимизнинг Чилонзор тумани 7-мавзесидаги Боғзор ва Оқтепа маҳаллаларида жойлашган кўп қаватли уйларга хизмат кўрсатувчи "Боғистон коммунал" БСК фаолияти билан танишди.



Мазкур компания 2013 йилда ташкил этилган бўлиб, бугунги кунда 3 та катта йўналиш, яъни қурилиш-таъмирлаш, маиший ва қаттиқ чиқиндиларни олиб чиқиш ҳамда кўп қаватли уйларга хизмат кўрсатиш билан шуғулланиб келмоқда. Вазирлик мутахассислари 19 та кўп қаватли уйга хизмат кўрсатувчи "Боғистон коммунал" компаниясининг реконструкция қилинаётган биносини кўздан кечирдилар.

Ушбу маҳалладаги 37, 38, 45-а сонли уйлар синов тарихида базальт плиталари билан қопланаётгани ҳақида маълум қилгандик. Шу билан бирга, айни пайтда мазкур уйларнинг ертўла қисмидаги муҳандислик коммуникация тармоқлари ва тик қувурлари ҳам тўлиқ янги сифатга алмаштирилмоқда. Вазирлик мутахассислари шу ишларнинг боришини ўрганди.

## Яккасарой туманида назорат тадбири



Қурилиш ва уй-жой коммунал хўжалиги соҳасида назорат инспекцияси инспекторлари пойтахтимизнинг Яккасарой туманида рейд тадбирларини ўтказди. Ўрганишлар натижасида тумандаги Дилбулоқ маҳалласида жойлашган 1-сонли уйда қонунбузилиш ҳолатлари аниқланди.

9 қаватли мазкур уйнинг биринчи қаватида истиқомат қилувчи мулкдор умумий фойдаланишдаги ертўлага кириш учун уйнинг ичидан плита деворларини бузган ҳолда зинапоя ўрнатгани маълум бўлди. Кўп қаватли уйнинг ички ва ертўла қисмида ўзбошимчилик билан таянч ва таянч бўлмаган деворлар тамонида олиб ташланган. Шунингдек, уйдаги дераза-ромларнинг пастки қисмидаги таянч деворлар ҳам бузилган ва устуни соябон (навес) ўрнатилган.

Хўқўбузарга инспекторлар томонидан маъмурий баённома расмийлаштирилди ва тегишли мuddат давомида уйни ўз ҳолига қайтариш бўйича қатъий топшириқ берилди. Шунингдек, бундай ноқонуний қурилмалар ва уй лойиҳасидан чиқиш ҳолатлари ушбу кўп қаватли уйда истиқомат қилувчи бошқа фуқаролар ҳаётига хавф туғдириши мумкинлиги бўйича тушунчалар берилди.

## Яшнобод туманида ўрганиш ишлари

Қурилиш ва уй-жой коммунал хўжалиги вазирлиги мутасаддилари пойтахтимизнинг Яшнобод тумани Тузель-2 мавзесидаги "Ватандош" МФЙ 12-6 уйда истиқомат қилувчи аҳоли мурожаатларига асосан ўрганиш ишларини олиб борди.



Мурожаатларга кўра, 9 қаватдан иборат мазкур уйнинг ертўла қисмида тадбиркорлар томонидан ноқонуний ишлар амалга ошириб келинмоқда. Ҳолат жойида ўрганилганда, ҳақиқатан ҳам кўп қаватли уйнинг ертўласи бузилиб ётгани, ҳатто бино фундаменти ўзгартирилган аниқланди.

Мазкур ноқонуний қурилмалар бўйича Қурилиш ва уй-жой коммунал соҳасида назорат инспекциясининг уй-жой фонди ва ичкилик сувида фойдаланишни назорат қилиш бўйича масъуллари чақиртирилиб, мавжуд ҳолатни тезкорлик билан ўрганиш вазифаси юклатилди.





